

**Տ. ՆՄԱՅԱԿ ԱԲԵՂԱ ՍԱՆԱԿՅԱՆԻ ԱՆԴՐԱՆԻԿ ՔԱՐՈՉԸ՝
ԽՈՍՎԱԾ Ս. ՆՈՒՓՍԻՄԵԻ ՏԱՃԱՐՈՒՄ
ՄԱՏՈՒՅՎԱԾ Ս. ՊԱՏԱՐԱԳԻՆ
(24 հունվարի 2010 թ..)**

«Աստված այնքան սիրեց աշխարհը,
որ մինչև իսկ Իր Միածին Որդուն փվեց,
որպեսզի նա, ով հավատում է Նրան,
չկորչի, այլ հավիտենական կյանք ունենա»:
(Յովհ. Գ 16)

Միքելի՝ քույրեր եւ եղբայրներ ի Քրիստոս.

Մինչ բերդեհեմյան աստղի շողարձակելը ողջ հեթանոս աշխարհը՝ ի դեմս հռոմեական ծովածավալ կայսրության, խարխալում էր խավարի ու անգիտության, ծայրահեղության հասնող մարդապաշտության եւ սնտրիապաշտության մեջ: Իսկ հրեական միջավայրում մեսիական փնտրությունը էր ու սպասում:

Մի նոր ուսմունք, աստվածառաք մի նոր վարդապետություն գալիս է հեղաշրջելու այս իրականությունը: Այս վարդապետությունը ոչ այլ ինչ է, եթե ոչ ավերիսը հոգիների փրկության եւ քրիստոսադրոշմ հավիտենական կյանքի:

Այս ավերիսը ցնցեց աշխարհը, նոր հորիզոններ, նոր մշակույթ, նոր աստվածաճանաչողություն բերեց եւ ողողեց մարդկության հերազա ողջ ընթացքը:

Այսօր իհարկե դժվար է եւ գրեթե անհնար գերազնահարել աստվածաբանության ու հոգեւոր վարդապետության դերը, որ մարդկությանը մատուցվել ու մատուցվում է իբրեւ պարգամ եւ կենսակերպ:

Նորկրակարանյան եւ ընդհանրապես սուրբգրային վկայությունները մեզ մեկնում եւ լուսաբանում են հավերժությունից եկող ու դեպի հավերժություն գնացող աստվածահիմն եւ փիեզերական օրենքները: Իսկ մենք, որ այս ամենի անցողիկ վկաներն ենք, փորձում ենք մերովսանն ընկալել եւ արժեւորել մեզ փրկած աստվածաբաշխ կյանքի վայրկյաններն ու բույները:

Միքելինե՛ր, վստահ եմ, որ մեզանից յուրաքանչյուրը առիթ է ունեցել խորհելու այն հարցերի շուրջ, որոնք մշտապես արդիական են եւ պատված խորհրդավորության շղարշով: Ինչպես օրինակ՝ որտեղի՞ց ենք գալիս, ո՞ր ենք գնում, ո՞ր ճանապարհով ընթանանք, ինչպե՞ս ապրենք, փիլիսոփայական ու գիտական բանաձեւումներին հավարանք, թե՞ կրոնական հայրնություններին:

Անշուշտ, մենք, իբրեւ Նայ Առաքելական Սուրբ Եկեղեցու զավակներ, հերքում ենք եւ պնդում է հերքենք հայադրոշմ եւ հայաբարբառ քրիստոնեությանը: Սակայն ոչ թե պարզապես կուրորեն հավարանք, այլ ուսումնասիրենք, քննենք եւ ապրենք:

Ուստի, սիրելիներ՛, փորձենք քննել եւ հասկանալ այս աստվածային փնտրի-նությունը, որը բազում հարցականների փեղիք է փալիս:

Ինչո՞ւ Աստված Իր Միածին Որդուն ուղարկեց աշխարհ, ինչո՞ւ թույլ տվեց, որ արարվածն անասելիորեն չարչարի, մահվան սյունին գամի, այսինքն՝ խաչի Իր Արարչին: Եվ մի՞թե Աստված չէր կարող ոչ թե Իր Միածին Որդուն զոհել, այլ մեզ՝ մեղավորներին: Այս հարցերի պատասխանը հստակ եւ շեշտակիորեն փալիս է Որոտման որդին՝ Քրիստոսի սիրելի աշակերտ Նովիաննես Ավեփարանիչը. «Աստ-ված այնքան սիրեց աշխարհը, որ մինչև իսկ Իր Միածին Որդուն տվեց»: Առաջին հայացքից սա մեզ համար անհասկանալի եւ անընդունելի պատասխան է: Սակայն երբ սկսում ենք փոքր առ փոքր մեր մտքում ուրվագծել մարդկային եւ մասնավորա-պես՝ աստվածային սիրո սահմանները, հասկանում ենք, թե այն որքան մեծ, որքան խորը եւ որքան փարդոնակ է, քանզի ինչպես նույն Առաքյալն է ի յուր բոլորիս հայտարարում, թե Աստված սեր է, այնպես էլ արարչագործության յուրաքանչյուր նյութական եւ զգացական բան՝ սկսած փիեղերական ամենաբարդ համակարգե-րից, վերջացրած առվակի քրքռոցով կամ բզեզի աչքի կառուցվածքով:

Հարց է ծագում. մի՞թե սերն այնքան որոշ է ու գորեղ, որ կարող է փիեղերքի ու աշխարհի արարչության պարճառ դառնալ, որ կարող է թշնամուն բարեկամ դարձ-նել ու մեր կյանքի մեզն ու խավարը փոխել աստվածային յուսով եւ խաղաղությամբ: Եւ վերջապես, ինչպե՞ս կարող է կյանք փվողին Աստծո եւ մարդու միջևորդ դարձնել:

Երանաշնորհ Հայրապետ Նովիան Մանդակունին իր «Սիրո մասին» ճառում հանգամանալից անդրադարձել եւ մեկնել է աստվածային սիրո բոլոր դրսևորում-ները: Նա սերը համարում է երկնքի արքայության բանալի, հավիտենական կյան-քի ճանապարհ ու բոլոր բարիքների պարճառ. «Սերը ոչ միայն հավիտենական կյանքում է պտղաբերում իր խաղաղության պտուղը, այլ նաեւ այս աշխարհում է հալածում ամենայն թշնամություն՝ նախանձն ու արելությունը, ռիսակալությունն ու չարակնությունը, չարախոսությունն ու հայհոյությունը, փրփունջքն ու բամբասան-քը, հպարտությունն ու գոռոգությունը, մանավանդ բոլոր չարիքների մայր արժա-թասիրությունն ու ազահությունը»: Իսկ եռամեծար վարդապետ Սուրբ Գրիգոր Տաթևացին սերը հերելյալ կերպ է բանաձեռում. «Սիրել նշանակում է ուրիշներին բարի կամենալ», - այնուհետեւ շարունակելով բացատրում է, որ սիրո սկիզբը կամքն է, կարարումը, այսինքն՝ ավարտը, բարիք գործելը, իսկ դրանց մեջ՝ սերը: «Բանզի կամքը մեզանով է լինում, բարիք գործելը՝ ուրիշներով, իսկ երկուսը կարարվում են սիրո ներգործությամբ:

Թե՛ հայ, թե՛ օտարազգի եկեղեցական հայրերը այս կամ այն չափով անդրա-դարձել են աստվածային սիրո դրսևորումներին, նկարագրել սերն իր համապատ-կերի մեջ՝ իր բոլոր նրբերանգներով: Սակայն մի բան պետք է իմանանք եւ հիշենք, որ սերն աստվածային է ու հավիտենական, եւ աշխարհը սպունգի նման ներծծված է աստվածային սիրով, որ մշտաբոլորք փարոսի նման մեզ զարմացնում ու ջերմաց-նում է իր արեգակնաբուխ ճաճանչներով:

Սիրելիներ, եթե խոսենք սիրուն ձոնված նորկապարանյան մյուս կոչ-պարգամների մասին, բավական է հիշենք Նովհաննես առաքյալի Ընդհանրական առաջին նամակի հետևյալ խոսքերը.

«Սիրելիներ, սիրենք միմյանց, որովհետև սերն Աստծո պարգևն է: Ով սիրում է, նա ծնված է Աստծուց և ճանաչում է Աստծուն: Ով չի սիրում, նա չի ճանաչում Աստծուն, որովհետև Աստված սեր է»:

Քայլ առաջ գնալով՝ եզրակացնենք, որ մեզ՝ քրիստոնյաներիս համար ամեն ինչի լրումը սերն է. որպես սեր չկա, այնպես բնակվում է խավարի իշխանը՝ հակաքրիստոս:

Ուրեմն, սիրելիներ, մշտաբար աղոթքներով, դեպի հավիտենականություն առաջնորդող սիրո գիտակցումով, անկաշառ աստվածասիրությամբ ու եղբայրասիրությամբ համեմենք մեր այս անցավոր կյանքը, ու թող իրապես մեր Տեր Տիսու Քրիստոսի շնորհներն ու սերն առաքապես հեղվեն բոլորիս վրա. Ամեն: